

Zhuang - Singggingh - Promises Scriptures

Hijcaiyyaq 59:17; Hijcaiyyaq 61:10 - Hijfuzsoj Saw 6:14,17 Couh dwg naeuz faenhsou ij dawz saedsaeh ma dangq guh diuz sai gyaeb rwet he, ij guh saeh guh ndaej cingq ndwn ndaej cingq ma dangq guh baj doengqbaiz dangj aek he, 17 caemh vanzlij ij dawz Cangqdiq gouq vunz dih gij saedsaeh neix ma dangq guh aen mauhhang ndaej daenj raeuj ndaej baujhuq raeuj he, dawz gij vah Cangqdiq ma dangq guh fag giemq Hoenzsaenz Cangqdiq he dawz youq ndaw fawz.

Majdaiq Saw 24:22 Gou naeuz sou ni, doengh ngoenz cainanh neix, hauhnaeuz mbouj dwg Cangqdiq gemj bae nex, gaenhbaenj mij'z vunz ndaej lix roengzbae. Cangqdiq vih gij vunz de senj okdaeuj he, de couh gemj doengh ngoenz cainanh mwnq.”

Majdaiq Saw 26:41 Faenhsou ij baujciz cinghsingj, mbouj dingz hih gouz Cangqdiq; daengz mwhde cij mbouj ngaiz guh loek. Aenvih gou rox ndaw sim faenhsou gannaueuz nyienh'eiq luj gou yienghneix naeuz lah, hoeng, aen ndang faenhsou nyieg, guh mbouj daengz hax.”

Majgoj Saw 10:48-52 De yienghneix hemq le, couh miz haujlai vunz naeuz de, mbouj hawj de hemq, hoeng, vunz yied naeuz de, de yied engqgya hemq, hemq engqgya gog: “Daqveiq dih lwglan hax, hojsik hojsik gou bax!” 49 Yehsuh dingqri le, couh dingz roengzma, naeuz: “Hawj de goq daeuj.” Gajlaeng gyoengq vunz couh heuh boux rafangz mwnq doiq de naeuz: “Mwngz coengqsim bax! Hwnq, de heuh mwngz nex!” 50 Boux rafangz mwnq dingq le, couh majcangq gveng diuz buh baixrog de, couh doq diuq hwnjdaeuj, couh byaij goq Yehsuh mwnq bae. 51 Boux de goq bae le, Yehsuh couh cam boux de naeuz: “Mwngz ij hawj gou bang mwngz guh gijmaz?” Boux de han naeuz: “Lauksae, gou siengj caiq ndaej yawjraen!” 52 Gajlaeng Yehsuh naeuz: “Mwngz maj bax; gij sinqsim mwngz ndaej yw mwngz ndei lo.” Yehsuh ngamq baex yienghneix naeuz he, boux de couh doq ndaej yawjraen lo. Boux de ndaej yawjraen le, couh gaen Yehsuh bae lo. (Majdaiq Saw 20:30-34)

Majgoj Saw 16:20 Gajlaeng, gyoengq lwgsae de caemh ciuq de raengq hih yienghmwnq bae guh lo. Gyoengqde dauqcawq bae cenzgangj Cangqdiq dih ndei siuhsiz. Bouxcawj raeuz Yehsuh bang gyoengqde, hawj gyoengqde ndaej guh doenghij geizmiuj hih saeh hwj cingqmingz gyoengqde soj cenz hih ndei siuhsiz cungj dwg saedsaeh he, dwg deng he.

Luqgyah Saw 14:23 Yiengq bouxcawj han naeuz: ‘Mwngz bae dangjroen hah, luenqgvaengh hah; longx vunz daeuj, longx daeuj naengh rim bae.”

Luqgyah Saw 21:15 aenvih gou swmboujyienz nyok hawj faenhsou goujcaiz caeuq coengjmingz, sawjhawj dizyzinz buek mbouj goq faenhsou, mij'z vah

ndaej gangj bae.

Luggyah Saw 21:36 Sojhij faenhsou ij singqsag, ij siengzseiz caeuq Cangqdiq gangj vah, gouz Cangqdiq soengq rengz hawj faenhsou, hawj faenhsou ndaej miz rengz ndoj goq sojmiz ij fatseng he, hawj faenhsou mij naih saek yiengh hwj miz naj ndwn youq dangqnaj gou.”

Yozhanq Saw 17:15 Gou mbouj gouz mwngz mbouj hawj gyoengqde bae dep aen seiqqyaiq neix hih vunz, caenhgag gouz mwngz baujhuq gyoengqde, hawj gyoengqde ndaej duet ok Sajdanq boux doegdoeg siebsieb neix ndaej lo.

Geiq Dwzbaigyienz 11:23 Bahnazbah bae daengz Anhdizah le, yawjraen Cangqdiq soengq fuk hawj gyoengq vunz mwnq, de couh angq hwj ij rai, couh gujliq gyoengq vunz, naeuz gyoengq vunz, hawj gyoengq vunz sinq Yehsuh ij gyenhdngq, mbouj ndaej bienq sim, ij yungjyenj gaen Yehsuh Bouxcawj.

Geiq Dwzbaigyienz 13:48 Gij vunz linghvaih minzcuz he dingq daengz gij vah neix le, cungj gig vuenheij hwj haenh Cangqdiq dih ndei siuhsiz. Gajlaeng doenghheij vunz Cangqdiq senjdingh hawj gyoengqde ndaej yungjyenj lix hih cungj sinq lo.

1 Gohlimzdoh It 10:13 Mboujgoq, faenhsou roeb daengz ngaiz yaeuh ngaiz longx hwj famh coih hih, cungj dwg caeuq sojmiz hih vunz ngaiz yaeuh ngaiz longx hih doxdoengz lah. Hoeng, Cangqdiq dwg sinq ndaej goq hih; de gaengjdingq mbouj hawj faenhsou ngaiz souh daengz yaeuh longx hwj dingx mbouj ndaej law. Dauq dwg youq mwh faenhsou ngaiz yaeuh ngaiz longx hih mwhde, hawj rengz hawj faenhsou, hawj faenhsou ndaej dingx ndaej goq, hawj faenhsou hoi diuz roen he lah.

1 Gohlimzdoh It 16:9 Gannauez dineix miz haujlai vunz fanjdeiq gou lah, hoeng, gou vanzlij ij youq daengz mwhde, aenvih dineix seizneix miz gij gihveiq ndei raixcaix he, ndaej hawj gou guh gij hong miz ik he.

2 Gohlimzdoh Ngeih 12:9 Hoeng, bouxcawj raeuz dauq doiq gou naeuz: “Cijaeu gou aiq mwngz, couh ndaej lo, aenvih gou ndaej miz rengz hawj vunz youq mwh mij rengz mij banqfaz he, ndaej raen hamq hah.” Couh vih yienghneix hwj, gou engq haenj gag haenh bonjfaenh mij rengz mij banqfaz, yienghneix couh ndaej hawj vunz yawjraen gij rengz Gihduz yienh youq gwnz ndang gou hah.

Hijfuzsoj Saw 6:11 Daenj ndei daiq ndei dawz ndei Cangqdiq nyok hawj faenhsou dang bing soj yungh hih, guh boux bing Cangqdiq yungjgamj, ndwn ndaej gaenj he, yienghneix couh ndaej dangx goq fangzvuengz sojmiz dih yimhmaeuz,

Hihbwzlaiz Saw 1:7,14 Yiengq gangj daengz bouxcai, Cangqdiq engq naeuz gyoengqde naeuz: Gou ij hawj bouxcai gou dangq luj rumz, hawj bouxhoiq gou dangq luj feiz. 14 Bouxcai dwg guxmaz nej? Sojmiz hih bouxcai cungj dwg hoenzsaenz, cungj dwg bouxhoiq Cangqdiq, cungj dwg baij bae bang

doenghheij vunz ndaej gouq he.

Yajgoz Saw 4:7 Sojhij faensou ij dingq Cangqdiq, ij caeuq Sajdanq fangzvuengz doxngig doxdingj; yienghmwnq fangzvuengz couh daj henz ndang faensou deuz lo.

1 Bijdwz It 5:10 Hoeng, faensou souh goq duenh nanh he le, boux doiq vunz haijliengh raixcaix aiq vunz raixcaix dih Cangqdiq, couh dwg senj faensou, hawj faensou dughgoq Gihduz ndaej yungjyenj najrongh dih Cangqdiq, gaengjdingq caenndang hawj faensou ndaej fuk hwnjdaeu, hawj faensou sinqsim gyenhdngq, hawj faensou miz rengz mbouj doeknaiq, hawj faensou ndaej caep giek ndei.

Yozhanq Saw 14:1 Yehsuh gangj daengz dineix le, vanzlij caiq doiq gyoengq lwgsae de naeuz: "Faensou gaejyungh you; ij sinq Cangqdiq, caemh ij sinq gou.

Yozhanq Saw 14:27 "Gou louz gij bingzan gou nyok hawj faensou. Gou nyok bingzan hawj faensou hih caeuq gij vunz nyok hawj faensou hih bingzan mbouj doxdoengz. Faensou gaejyungh you, caemh gaejyungh lau.

Yozhanq Saw 16:6 Gou naeuz sou ni gij saeh neix, faensou couh siengsim raixcaix.

Yozhanq Saw 16:20,22 Gou saedsaeh naeuz sou ni, faensou ij daej ngwdngwd, gij vunz dauq riuri angqangq. Faensou ij you ij heiq, hoeng faensou dih youheiq couh ij bienqbaenz angq vaujvauq lo. 22 Caemh doxdoengz, faensou seizneix gannauez miz youheiq lah, hoeng, daengj daengz gou dauqlix caiq ndaej raen faensou hih mwhde, faensou couh angq vaujvauq lo; mbouj danhcij yienghneix, faensou sim'angq hih mij vunz ndaej dued aeu bae.

Geiq Dwzbaijyienz 2:46 Gyoengqde ngoenzngoenz cungj youq gunghdenq Cangqdiq doxcomz, caemh bae ndaw ranz gak vunz doxcomz doxcaeuq gw, gak vunz cungj haijliengh raixcaix. Gyoengqde yienghneix guh, gak vunz cungj roxnginh sim'angq.

Lozmaj Saw 9:1-3 Gou dwg haeuj gij vunz Gihduz; gou gangj lauxsaed vah naeuz sou ni: gou vih gij beixnuengx caeuq gou doxcaemh minzczuz he mbouj sinq Gihduz hwj cix simnyap cix siengsim ij rai bae. Couh vih gyoengqde hwj gou cingxnyienh ngaiz souh daengz mang caeuq ngaiz mbouj ndaej gaen Gihduz hoh luh. Gou soj gangj hih vah cungj dwg ciuq gou dih liengzsim ma gangj hih, Hoenzsaenz Cangqdiq ndaej cingqmingz hih.

2 Gohlimzdoh Ngeih 1:2-4 Muengh daxboh raeuz Cangqdiq caeuq bouxcawj raeuz Yehsuh Gihduz doiq faensou haijliengh, hawj faensou bingzan! 3 Bouxcawj raeuz Yehsuh Gihduz dih Cangqdiq daxboh wnggai haenh hih! De dwg hojsik vunz dih Cangqdiq, dwg vued vunz dih Bohmbwn. 4 Mboujguenj gyoengqraeuz roeb daengz gijmaz nanh, de cungj vued gyoengqraeuz, hawj gyoengqraeuz caemh ndaej rox bae vued doenghheij miz nanh he.

2 Gohlimzdoh Ngeih 2:4 Gou gaxgonq sij saenq hawj faensou hih mwhde, dwg cienfanh siengsim gikheiq riuz raemxra he. Gou yienghneix naeuz mbouj dwg ij hawj faensou siengsim law, dauq dwg ij hawj faensou rox gou baenxlai aiq faensou lah.

Hijfuzsoj Saw 5:19 Faensou wnggai caensim ciengq gij go ndaw Singqgingh, gij go haenh Cangqdiq caeuq ciengq Hoenzsaenz Cangqdiq hawj raeuz angq hwj haenh hih gij go he ma doxgujliq.

Feihlizbij Saw 4:4 Faensou wnggai baengh bouxcawj raeuz hwj siengzseiz vuenheij. Gou caiq naeuz mbat haem, faensou ij wnggai vuenheij!

Yajgoz Saw 5:13 Gou naeuz sou ni, hauhnaeuz faensou miz byawz roeb daengz nanh hih, couh ij wnggai gouz Cangqdiq; hauhnaeuz miz vuenheij hih, caemh ij wnggai ciengq go haenh Cangqdiq.

Genesis 20:6 Cangqdiq keep from sinning against Christians.

Exodus 35:21,26 heart make willing spirit.

Numbers 10:35 Cangqdiq arise enemy scatter.

Deuteronomy 2:25 fear and dread of Cangqdiq on people.

Yozcuhyaq 2:9 terror of Cangqdiq on Jericho.

1 Sajmujwj It 17:48,50 - Daqveiq & Goliath

Yozbwz 29:14 robe of righteousness.

Beijgangj 13:11,22 Cangqdiq give wealth of wicked to righteous.

Beijgangj 22:22,23 Cangqdiq defend the oppressed.

Esther 8:17 fear of Jews on people.

Hijcaiyyaq 35:8 Way of Holiness

Hijcaiyyaq 43:2 fire and water not hurt Cangqdiq's people.

Hijcaiyyaq 49:25 Cangqdiq contend with enemy.

Hijcaiyyaq 54:17 no weapon against Cangqdiq's people.

Hijcaiyyaq 59:19 Hoenzsaenz Cangqdiq lift up standard against enemy floods.

Hihsihgyah 22:30 Cangqdiq want man pray for people.

Hihsihgyah 45:8 rulers not oppress Cangqdiq's people.

Danqhijlij 4:16; Danqhijlij 7:4 have heart of man or beast.

Sajgyahliyyaq 4:6 Not by might, nor by power, but by My Hoenzsaenz, saith the LORD of hosts.

Lozmaj Saw 6:23 Aenvih swqhaeuh coih ndaej dih ik couh dwg ngaiz rai yiengh dog, hoeng, Cangqdiq begbeg nyok hawj vunz dih dwg hawj vunz ndaej youq laeng bouxcawj raeuz Yehsuh Gihduz ndaw de hwj ndaej seiqseiz lix.

Lozmaj Saw 8:2 aenvih dunghgoq Yehsuh Gihduz hwj hawj vunz ndaej miz mingh hih Hoenzsaenz Cangqdiq dih fazliz gaenq hawj gou ndaej duet ok gij fazliz hawj vunz famh coih hih caeuq rai hih lo.

2 Dizmohdaiq Ngeih 1:10 hoeng, daengz seizneix, boux gouq raeuz hih Yehsuh Gihduz daeuj lajmbwn guh vunz le cij yienh okdaeuj lah. De gaenq hawj vunz mbouj caiq rox rai haem lo; de cenx gij ndei siuhsiz hwj dawz

mbouj rox rai hih mingh yienh okdaeuj lo.

Hihsihgyah 37:12,13 Cangqdiq open graves & bring out people - Hawj Vunz Rox 20:13 Daiqlienz ndaw haij hah, ndaw moh hah, ndaw laep hah, cungj coengq doenghheij vunzrai he okdaeuj. Gyoengqde cungj caemh ngaiz ciuq gyoengqde soj guh hih ma souh daengz saemjbuenq.

Majdaiq Saw 27:52 moh cixcaemh doengh hwj aq hoi bae; miz haujlai gij vunz Cangqdiq gaenq rai lo, hoeng, cungj caemh youq mwhneix dauqlix hwnjdaeuj lo.

Geiq Dwzbaigyienz 17:25 caemh mboujyungh vunz soengq hawj gijmaz he nej. Gizsaed couh dwg de hawj raeuz miz mingh, hawj raeuz miz heiq ndaej diemjcaw, hawj raeuz sojmiz hih doxgaiq hih; fanjcingq sojmiz hih cungj dwg de hawj he. (Yozbwz 12:10)

Hawj Vunz Rox 13:15 Duz de vanzlij miz gienz ndaej hawj gij heiq miz mingh he ndaenj haeuj laeng duz you nyaen mwnq bae, ndaej hawj duz you nyaen mwnq gangj vah, caemh hawj doenghheij vunz mbouj baiq duz you nyaen mwnq ngaiz rai.

Yozhanq Saw 10:10 Caeggeq haeuj daeuj, dwg ij caeg, ij gaj, ij boqvaiq. Gou daeuj, dwg ij hawj vunz ndaej miz mingh; mbouj danhcij yienghneix, vanzlij hawj vunz saenghhoz ndaej ndei.

Hawj Vunz Rox 22:1/2 Gajlaeng, bouxcai mwnq caiq hawj gou raen doenghheij diuz gai ndaw singz mwnq hih diuz he dih cungqgyan de miz diuz dah miz mingh he. Diuz dah neix dwg daj aen lungzeij Cangqdiq caeuq duz yiengzlwg mwnq riuz okdaeuj he. Gij raemx de cingx luj ceijsingh nwih. Song hamq dah de cungj miz go faex hawj vunz ndaej miz mingh he. Go de binaengz cungj dawz cibngeih dangq mak, it ndwen it dangq. Gij mbaw de ndaej guh yw hwj, ndaej yw lajmbwn sojmiz minzcuz hih vunz.

Yozhanq Saw 4:10 Gajlaeng Yehsuh han naeuz: "Hauhnaeuz mwngz rox Cangqdiq siengj hawj mwngz gijmaz caeuq rox seizneix cam mwngz aeu raemx ma gw hih dwg byawz nex, mwngz cungj senqsi cix gouz de lo; de caemh senqsi cix hawj gij raemx hawj vunz ndaej seiqseiz lix he lo."

Yozhanq Saw 4:14 hoeng, famz gw goq gij raemx gou hawj he hih vunz couh ndaej yungjyenj mbouj rox hozhawq, aenvih gou hih gij raemx neix ij youq gwnz ndang de bienqbaenz aen cingjraemx riuz mbouj rox sat, hawj de ndaej seiqseiz lix."

Yehliqmij 21:8 - Majdaiq Saw 7:13,14 Yehsuh caiq naeuz: "Gou naeuz sou ni, faenhsou wnggai haeuj aen dou gaeb mwnq bae, aenvih doeng haeuj rai haeuj satsoq hih dou dwg gvangq hih, diuz roen de caemh gvangq, miz haujlai vunz haeuj bae. 14 Hoeng, doeng haeuj seiqseiz lix hih aen dou mwnq dwg gaeb hih, diuz roen de caemh dwg gaeb hih, cimh ndaej raen hih vunz caemh noix."

Beijgangj 10:2 - Lozmaj Saw 5:21 Yiengq doengh boux Youzdaiq fazliz cenhgyah caeuq gij vunz gaep haeuj Fazliqcai baij he raen Yehsuh

yienghneix naeuz le, couh lwnh naeuz: “Geizheih, ndaek ngauqm'z dwg byawz nex, gingqyienz gamj gangj gij vah daekcoih Cangqdiq he! Cawz Cangqdiq ok, mij'z vunz ndaej mienx coih hax.”

Majdaiq Saw 15:4 Cangqdiq naeuz goq: ‘Ij gingqcungh bohmeih,’ caemh vanzlij naeuz: ‘Famz mang bohmeih hih cungj ij ngaiz rai.’

Majgoj Saw 13:22 aenvih daengz mwhde ij miz gyaj dih Gihduz caeuq gyaj dih boux cenz gij vah Cangqdiq he ok daeuj guh doenghgij geizmiuj gingjgyauj he hwj yaeuh vunz, daiqlienz gij vunz Cangqdiq senj okdaeuj he cungj siengj yaeuh. (Hihsihgyah 13:17-23)

Yozhanq Saw 5:28,29 Faenhsou gaejyungh geizheih; couh ij daengz mwhde, sojmiz youq ndaw moh hih vunzrai cungj ij ndaej dingqri gij sing daeglwg Cangqdiq, cungj ij ok daeuj. 29 Guh ndeisaeh hih vunz, dauqlix nex, ndaej seiqseiz lix; guh doeg guh sieb hih vunz, dauqlix nex, ngaiz dingh miz coih.” (Hijcaiqyaq 26:19)

Yozhanq Saw 10:28 Gou hawj gyoengqde ndaej seiqseiz lix, yungjyenj mbouj rox rai; byawz cungj mbouj ndaej daj ndaw fawz gou dued aeu gyoengqde.

Yozhanq Saw 11:43,44 De gangj sat doenghgij vah neix le, couh hemq naeuz: “Lahsajluq, ok ma!” 44 Yehsuh yienghmwnq naeuz le, Lahsajluq boux vunzrai mwnq couh ok ma lo. Gij fawz gij ha de miz boiq gyuj hwj, baj naj de caemh aeu boiq ma gyuj hwj. Yehsuh raen yienghneix le, couh doiq gyoengq vunz naeuz: “Gej gij boiq gyuj de bae; hawj de maj bax!”

Yozhanq Saw 12:17 Doenghheij vunz caenra raen Yehsuh heuh hawj Lahsajluq dauqlix daj ndaw moh byaij okdaeuj hih doenghheij vunz mwnq cungj mbouj dingz hih cenzgangj cingqmingz gij saeh neix.

Yozhanq Saw 17:2 Cingq luj mwngz dawz gij gienz guenjeix sojmiz vunz he nyok hawj de yienghmwnq, hawj de ndaej hawj doenghheij vunz mwngz nyok hawj de he ndaej seiqseiz lix.

1 Gohlimzdoh It 15:19-26 Yiengq gyoengqraeuz sinq Gihduz hih vunz, hauhnaeuz caenhgag youq seiq neix miz muengh lah nex, gyoengqraeuz couh dwg youq lajmbwn ceiq boihseiz hih vunz lo. 20 Hoeng, gizzaed Gihduz gaenq daj rai ndaej dauqlix lo. De dwg sojmiz vunzrai ndaw de dih daixit boux ndaej dauqlix; de dwg dauqlix dih baengzgawq. 21 Rai dwg coengz boux he yinxhwnj hih, couh dwg Yaqdangh; dauqlix caemh dwg coengz boux he, couh dwg Gihduz. 22 Gangj daengz vunz rai, dwg aenvih gyoengqde dwg gaep haeuj Yaqdangh he; caemh doxdoengz, gyoengq vunz ndaej dauqlix dwg aenvih gyoengqde dwg gaep haeuj Gihduz hih. 23 Cijmboujgoq ij daengj lwnz daengz le, cij ndaej dauqlix: Gihduz dwg daixit boux dauqlix, gajlaeng daengj daengz de dauq daeuj hih mwhde, gij vunz sinq de he cij ndaej dauqlix. 24 Daengz ceiq ij gajlaeng, daengz ciqgyaiq dih ngoenz gatsat, Gihduz couh ij dawz sojmiz gvanhhih gienz hah, lingjdauj hah, guenjeix hah, doenghgij neix cawz bae; daengz mwhmwnq, de couh dawz aen guek de gyau hawj Cangqdiq Bohmbwn, 25 aenvih

Gihduz bietdingh ij dang vuengz, itcig dang daengz bonjfaenh de dawz sojmiz dih dizyinz cungj caij youq laj din de. 26 De ceiqhaeuq ij cawz hih dizyinz couh dwg rai,

2 Gohlimzdoh Ngeih 1:9,10 cungj naemqnaeuz gaenq rai lo. Hoeng, mwhde gyoengqraeuz caemh rox gauq gij goengrengz bonjfaenh baenzbaenz cungj mbouj ndaej, gaengjdingq ngaiz rai; gajlaeng hawj gyoengqraeuz rox, cijaeu baengh hawj vunz daj rai ndaej dauqlix dih Cangqdiq cij ndaej baux mingh. 10 Gajlaeng de cingqgawq gouq gyoengqraeuz, hawj gyoengqraeuz ndaej duet ok gij veizyiemj he. Seizneix de caemh gouq gyoengqraeuz; raeuz caemh muengh de baezneix ciuqyiengh ij gouq gyoengqraeuz,

2 Gohlimzdoh Ngeih 3:6 De hawj gyoengqraeuz ndaej guh boux cenz gij baujcingq lienz diuzgyenq moq de naeuz vunz ni. Gij baujcingq lienz diuzgyenq moq neix mbouj dwg sij youq ndaw saw dih fazliz, dauq dwg Hoenzsaenz Cangqdiq dingh hih. Sij youq ndaw saw dih fazliz dwg hawj vunz ngaiz rai hih, hoeng, Hoenzsaenz Cangqdiq dingh hih dwg hawj vunz ndaej lix hih.

Gohlozsih Saw 1:21,22 Gannaueuz faenhsou doenghbaez guh doeg guh sieb hwj daekcoih Cangqdiq, haenq Cangqdiq lah, 22 hoeng, seizneix Cangqdiq dauq dunghgoq daeglwg de, hawj aen ndangnoh daeglwg de rai hwj hawj faenhsou ndaej caeuq bonjfaenh de doxndei doxhuz, hawj faenhsou ndaej youq ndaw lwgra de suenq dwg boux mij'z coih he, mij gijmaz ndaej diudik he, mbouj miz gijmaz mboujeiqseiq hwj bae daengz dangqnaj de he.

2 Dizmohdaiq Ngeih 3:8,9 Gyoengq vunz neix fanjdeiq saedsaeh, caemh luj doenghbaez hih Yajnez caeuq Yangzbiq fanjdeiq Mohsih yienghmwnq. Aen sim gyoengqde daiq ya lai, mbouj boiqndaej guh gij lwgsae Yehsuh. 9 Hoeng, gyoengqde cangjyangz mbouj geijlwh caez lo, caemh luj song boux mwnq gij haexnyangj gyoengqde gaengjdingq ij ngaiz loh okdaeuj. (Hihsihgyah 13:17-23)

Hihbwzlaiz Saw 2:9 Mboujgoq gyoengqraeuz dauq raen boux beij bouxcai Cangqdiq vanzlij haemq yaqyuij di he hih Yehsuh vih Cangqdiq dih haijliengh hwj dingj sojmiz hih vunz ngaiz rai, yienghneix hawj de ndaej najrongh dangq guh gij cangjbyimj dijbauj he lah.

Hihbwzlaiz Saw 2:14,15 Yiengq, giqyienz gij lwg Cangqdiq dwg miz lwed miz noh hih vunz, Yehsuh daeuj daengz lajmbwn guh vunz caemh dwg miz lwed miz noh hih. Yienghneix de cij ndaej rai; dunghgoq de rai hwj cij ndaej hawj cangjguenj rai hih Sajdanq fangzvuengz luetgyeuq. 15 Caemh dwg cijaeu yienghneix hwj cij ndaej hawj doenghheij baenxseiq vih lau rai hwj ngaiz guh hoiq hih vunz ndaej duet ok.

Hihbwzlaiz Saw 11:5 Caemh aenvih sinq, Hijnoz vih sinq Cangqdiq hwj de ndaej daengz Cangqdiq haenh de; de couh mbouj ngaiz rai. Couh vih yienghneix, de couh ndaej daengz Cangqdiq cieq de bae; lajmbwn hih vunz caiq cimh mbouj raen de haem lo.

- 1 Bijdwz It 3:18** Gihduz de caemh dwg yienghneix; de vih ij mbat dog couh ndaej bang gyoengqraeuz daixgya rap coih hwj ngaiz rai lo, hoeng, de coengzlaiz cungj mij famh coih goq, dauq vih gij vunz miz coih hih hwj ngaiz rai lah, vih dwg ij daiq gyoengqraeuz bae daengz Cangqdiq mwnq. De yienghneix ngaiz rai, ciuq ndangnoh ma gangj, de rai lo, hoeng, ciuq hoenzsaenz ma gangj, de dauqlix lo.
- 2 Bijdwz Ngeih 1:3** Cangqdiq yungh gij akak rengzrengz de ma dawz gyoengqraeuz ij goq cungj saenghhoz hab'eiq habhoz de he soj yungh hih nyok hawj gyoengqraeuz lo. Gyoengqraeuz soj ndaej hih dwg vih gyoengqraeuz rox de, boux senj gyoengqraeuz daeuj hawj gyoengqraeuz ndaej miz faenh gij najrongh de caeuq ndaej yangjcouq gij haijliengh de dih Cangqdiq.
- 2 Bijdwz Ngeih 2:1,3** Doenghbaez youq Hijswzlez miz boux gyaj hih boux cenz gij vah Cangqdiq; caemh doxdoengz, baezneix faehsou ndaw de caemh ij miz boux gyaj hih gyauqveiq lauxsae he ok daeuj, gangj gij vah coemx vunz he, daeuj gangj gij caeuq gij saedsaeh Cangqdiq doxngig he, hawj vunz satsoq he. Gyoengqde mbouj nginh gouq gyoengqde dih bouxcawj mwnq; couh vih yienghneix, sawjhawj gyoengqde satsoq engqgya vaiq. **3 Aenvih gyoengqde damsime, sojhij couh gag cauh ndaek cungj goqsae he hwj yaeuh faehsou, coemx faehsou aeu cienzcaiz. Doengh cungj vunz neix Cangqdiq senqsi cix dingh ij saemjbuenq gyoengqde lo, gyoengqde caemh gaengjdingq ij satsoq vaiq.**
- 1 Yozhanq It 3:14** Aenvih gyoengqraeuz aiq beixnuengx, sojhij couh rox gyoengqraeuz gaenq caeuq rai doxbiek, caeuq lix doxdep lo; doengh boux mbouj rox aiq he couh dwg vanzlij youq ndaw rai de.
- 1 Yozhanq It 5:11** Gij cingqmingz neix couh dwg: Cangqdiq nyok hawj gyoengqraeuz ndaej seiqseiz lix hih mingh; seiqseiz lix hih mingh dwg youz daeglwg de hawj he.
- Hawj Vunz Rox 21:6** Gajlaeng de vanzlij doiq gou naeuz: “Guh sat lo! Gou dwg Ahlahfaz, gou dwg Ngozmeizgyaz; gou dwg gaihcij, gou dwg gatsat. Gou ij dawz gij raemx mboq miz mingh he begbeg soengq hawj gij vunz hozhawq he gw. (Beijgangj 14:27)
- Hihsihgyah 13:17-23** Cangqdiq delivers the souls of His people from witchcraft.
- Hijcaiyyaq 28:15,18** covenant with death, and agreement with hell - Cangqdiq breaks. **Hijcaiyyaq 5:24** rotten root
- Yozwj 1:12** withered joy; **Hozsiah 13:15** dry spring & dry fountain.